



BIBLIOTEKA

Zakł. Nar. im. Ossolińskich

XVII

2610





Ext. XXIII, 483. (r. 1633).

STATVTA
INCLYTI

14

AC HEROICI

ORDINIS

E QVITVM

Immaculatæ Virginis.



XVII - 26 10 - 11

In nomine Domini, Amen.

VLADISLAVS IV.

Dei Gratia REX Poloniae,
Magnus Dux Lithuanie, Russie, Prus-
siae, Mazouiae, Samogitiae, Liunioniae,
Scueriae, & Czernichouiae : necnon
Suecorum, Gottorum, Vanda-
lorumque, Hæreditarius REX.
Electus Magnus Dux Mo-
schouiae.

AD perpetuam rei memoriam, Notum
facimus : Nos ubi primum, liberis &
concordibus Polonae ac Lithuanæ gentis
Suffragijs, Maiorum nostrorum Solium con-
scendimus, Ensemq; illum, tot Diuorum Præ-
decessorum nostrorum Triumphis Nobilem,
Sacra Antistitis manu, lateri Nostro accin-
ctum,

Etum, ad ipsas Diuini Numinis aras strinximus; eo primam sollicitudinis Nostra intentionem conuertisse, ut omnem subditorum Nostrorum in armis exercitationem, à Diuina Maiestatis honore & gloriâ auispicaremur. Hæc enim bellicosissima gentis pectora, quorum Nos antesignanum DEVS esse voluit, nullis tecta muris, aut propugnaculis, patentes Ditionum Nostrarum campos, sine peculiari Numinis ope, tueri, & nudâ fortitudine armatos Hostium impetus frangere haud queunt. Quò verò maiora calitùs requirunt, recipiuntq; auxilia; eò ardentius Supernorum Castrorum, humili deuotione, expetant societatem, est necesse. Et quamuis uniuersa hæc Nobilitas, Equitum, uti munus, ita & dignitatem sustineat, pauciq; reperiantur, qui Patriorum institutorum obliti, pretextam non in Castris deponant: illis tamen quos generosiores spiritus, & ardor Nobilis, non sequi solum, sed & præire, nec partem aliquam, sed co-

sed totam vitam gloriæ deuouere cogit, id peculiari ratione curandum est.

Horum ergo pectoribus, tremendum Barbaris, Crucis Sacrosanctæ chypeum parare volumus, Ordinem instituendo, quem ad DEI Optimi Maximi, eiusq; gloriosissimæ Matris honorem, erigimus, fundamusq;: certo numero virorum, ex omni Equestri Ordine; huiusmodiq; Ordinis Militaris Equites IMMACULATÆ VIRGINIS appellari volumus, appellamusq;: Et eis sequentes Leges, uti primus Autor Et Institutor, præscribimus.



❧

STATVTA, INCLYTI
ACHEROICI ORDINIS,
E Q V I T V M
Immaculatæ Virginis.

I. *De Numero Equitum.*

NVmerus Confratrum, non excedet Septuaginta duos, præter Principem. Hic enim numerus discipulorum, Cælesti Principi placuit. Sed & Patronæ nostræ, tam gaudiorum quàm dolorum Mysteria, Septenario numero terminantur.

II. *De Nobilitate.*

Genus Equitum illustre, & quorum à Maioribus deriuata antiquitas, nullâ maculâ defœdata, nullâ suspicione in dubium reuocata.

De Pa-

III. *De Patria.*

Cum non solum ad splendorem Ordinis Equestris, sed etiam ad emolumentum Ditionum Nobis subditarum, iste Ordo respiciat: Equites ex his subditis nostris, Regni Poloniae, Magniq; Ducatus Lithuaniae, ac Prouinciarum ipsis annexarum, eligentur. Licitum tamen erit, Imperatores, Reges, Principes, Virosque Illustris externos, in hunc Ordinem cooptare; modo numerum Viginti quatuor non excedant: reliquus numerus usq; ad Septuaginta duos, praeter Principem, Nobilibus Subditis Nostris, constabit. Hoc praeterea cauemus, neminem Exterorum (praeter ipsos Ordinum Supremos & Monarchas) in hunc Nostrum Ordinem adscisci posse, qui non prius omnibus alijs militaribus renunciauerit Sodalitatibus & ornamentis.

IV. *De Principe.*

Pincipatum huius Ordinis, Nos ipsi, quoad
vixeri-

vixerimus, geremus: post fata verò Nostra, subsequentes Reges Poloniae, liberè electi, vnà cum Regalibus insignijs, hunc Magistratum, eiusq; ornamenta, ipso Coronationis die (nisi priùs in numero eorūdem Equitum fuerint) capeissent.

V. *De Insigni, siue Torque.*

INsigne Equitibus nostris dabimus, Torquem ex auro puro, absq; vllis lapidibus, vel vnionibus, cuius particulae inuicem concatenatae alternatim repraesentabunt: vna quidem, **L I L I V M A L B V M**, in medio radiorum cum hac inscriptione; **I N T E**: altera verò fasciculos sagittarum colligatarum **F A S C I A A L B A**, his verbis inscriptis; **V N I T A V I R T V S**. Dependebit à Torque Crux rubea, in cuius medio conspicietur imago **V I R G I N I S I N F A N T I S** candida, Draconem pedibus calcantis, his verbis suppositis: **V I C I S T I, V I N C E**. Hoc Insigne Nos pro singulis Equitibus procurabimus,

bimus, usque ad numerum Septuaginta trium.

VI. *De usu illius.*

VTentur hoc Insigni Equites, & ipse Princeps, in omnibus Ordinis Conuentibus; tum in Festiuitatibus, Circumcisionis, Epiphanie, Paschatis, Pentecostes, Corporis Dominici, & Natalis; tum omnibus illis diebus, qui Sacratissimæ Cœlorum Reginæ, Patronæ Nostræ, sunt dicati: sed potissimum die Conceptionis ipsius Immaculatæ, quem particulariter obseruabunt, & eo ipso ad Sacram Corporis Dominici communionem accedere tenebuntur. Hoc ipsum Insigne gerent, Diebus quoque Sanctorum, Adalberti, Stanislai, Casimiri, & Francisci. Reliquis verò diebus, Crucem solam, & quidem solemni minorem, *ALBA FASCIA*, è collo suspensam, deferent.

De Ha-

VII. *De Habitu.*

IN Conuentibus , & Solennioribus Ordinis Processionibus, Equites, gentis suæ more induti (dummodò purpurei coloris sit ille interior ornatus) desuper Pallio candido longiore , sinistram manum magis quam dextram operiente, ex Panno Phrygio vestientur : subductum verò erit Panno Serico leuiori, purpurei item coloris, cuius superna pars circum humeros dependebit. Pileum item candidum gestabunt, eiusdem Panni, similiter subductum, cuius vertex radijs aureis , à summo ad medium prominentibus , pars verò anterior imagine Virginis Matris, auro & argento texta, ornabitur. Hunc verò Ornatum, vnusquisque Equitum proprio ære sibi curabit.

VIII. *De Sacello.*

SAcellum huius Ordinis erit Templum Pacis,
ad præ-

ad Præsepe SALVATORIS in Vrbe Cracoui-
ensi, Patrum Minorum de Obseruantia S. Fran-
cisci curæ commissum : cuius ornamentorum
præcipuam Equites curam gerent, sepeliri-
que corpora sua (nisi ratio grauis, aut personæ re-
spectus, testatorisq; voluntas aliter disposuerit)
ibidem mandabunt.

IX. *De Officialibus Ordinis.*

OFFiciales, Ordo hic, habebit duos, ex nu-
mero eorundem Equitum à Principe destina-
tos : Cancellarium nempè & Thesaurarium ;
quorum munera & functiones ex his ipsis Le-
gibus patebunt.

X. *De Iuramento.*

EQues, antequam Torquem, Ordinis Insigne
capiat, Iuramentum in manibus Principis præ-
stabit, se Principis, ac Reipubl : salutem, digni-
tatem, & commoda, atq; Patriarum Legum &
immu-

immunitatum prærogatiuas, post **D E V S**,
eiusq; Deiparæ Virgins, Sanctæq; Matris Ec-
clesiæ, & Sedis Apostolicæ honorem, præ ocu-
lis habiturum. Si bellum à Barbaris & infideli-
bus ingruat, se pro virili obuiaturum, & vires
suas collaturum. In bello, stipendijs conten-
tum, à nemine quidquam extorsurum, nec ex-
torqueri à suis permissurum, aliosq; Commilito-
nes, quantum licebit, ab huiusmodi rapinis auer-
surum: rebellionibus, tumultibus, seditionibus,
nunquam accessurum. Ne **D E V S**, eiusque
M A T E R, se audiente, blasphemetur, vel cum
vitæ periculo se oppositurum, eiusque cultum
promoturum. Leges Ordinis, debitamq; Prin-
cipi, secundùm Iura Reipublicæ, Obedientiam
obseruaturum: denique Torquem, vti Ordi-
nis Insigne, si, quod auertat **D E V S**, ob aliquod
crimen, communi Equitum sententiâ, exclusus
ab eorum Collegio fuerit, sine difficultate Prin-
cipi redditurum.



XI. *Primi Equites qui, & quomodo accersiti.*

CUm verò Nobis, vti primo Authori, & Institutori huius Excellentissimi & Heroici Ordinis, competat primos, ex sententiâ nostrâ propriâ, nominare Equites; quibuscum reliquum numerum in primo, DE o fauente, Conuentu, modo, quem paulò post proponemus, supplementum: nominauimus, & his præsentibus nominamus, eos, quos iam excellentes virtutes, militaris gloria, Nostri ac Reipubl: amor, merita denique in Patriam, & tot pro ea, cum summo vitæ & fortunarum dispendio, exantlati labores, sine Censurâ vel Electione, oculis. non Nostris solùm, sed omnium penè hominum obiecerunt: Nempè

XII. *In posterum qui eligendi.*

ABhinc verò, in Conuentu per Principem indicendo, quicumque ex Subditis Nostis in hunc Ordinem cooptari voluerit, hæc obseruet erit necesse.

Primum. Testimonio sufficienti Ducum & Præfectorum, & insuper Iuramento comprobet, se Orthodoxæ fidei esse professorem, & tribus expeditionibus aduersus Paganos, hostesq; Patriæ, in exercitu Ordinarij præsidij illorum limitum, sumptu fortunæ suis accommodato, militasse.

Deinde. Se vtroque Parente, Auis, & Proavis, (quos nominabit) Nobilem natum esse.

Hæc ubi declarauerit coram Ordinis Cancellario, Principem accedat, instrumentum authenticum, ab eodem Cancellario confectum, legitimæ deductionis offerat: tum demùm in Ordinem admitti petat.

Modus

XIII. *Modus Electionis.*

QUod si in illo Conuentu tot duntaxat candidati fuerint, quot ad numerum Septuaginta duorum desiderabuntur, vel pauciores; Princeps congregatis Fratribus, eorum nomina per Cancellarium Ordinis proponet, & Instrumēta deductionum vt legantur, iubebit. His lectis, Equites, à Seniori inchoando, per Sacramentum Collegio toti dictum, adiuratos interrogabit, An contra lectas deductiones, ipsorumq; candidatorum mores, nil habeant, quod dicant. Tum in conclaue secretius secedet, ad quod Senioremem Equitem euocabit, & quid sentiat, ab eo exquiret; & sic deinceps singulos. Quod vbi absoluerit, in Collegium Equitum redibit, & si quid tale inaudiuerit, quod meritò quemcunq; Candidatorum ab Ordine arcere posset, publicè proponet, suppresso nomine Authoris; & An quisquam ex Equitibus reperitur, qui secus se rem habere nōrit, interrogabit.

Quòd-

Quòd si repertus fuerit, causam notati dicere iubeat; & si maioris partis Collegij sententiâ liber pronunciabitur, cum reliquis quorum mores & deductionis Instrumentum ab omnibus Confratribus probabuntur, ipsius nomen scribetur: sin secus, à Seniore Equite admoneatur, ex qua causa, huius dignitatis sit incapax, & ob quam ab Electione excludatur. Quòd si Candidatorum maior fuerit numerus, quàm vt omnes eâ vice in Ordinem recipi, & ipsius Insignia capere possint, & omnium deductiones, moresq; irreprehensibiles: tum Princeps (vbi omnium Nomina à Cancellario lecta fuerint) per idem Sacramentum petet à Fratribus, vt eos, quos maximè meruisse sciant & credant, quosq; & Ordini, & toti Reipubl: maximo vsui futuros videant, nominent. Ad quam Principis postulationem, Equites, à Seniore ad infimum, consurgentes, suffragia scripta in urnam demittent. Postremò ipse Princeps, Duo vel Tria dabit suffragia, secundùm parem vel im-

parem

parem præsentium Equitum numerum : ita vt imparern omninò suis efficiat suffragijs , ad facilitandum Electionis negotium. Aperta à Cancellario & Thesaurario suffragia, & supputata, hos declarabunt nouos Equites, quos pluralitas suffragiorum dixerit.

XIV. *Exteri, quomodo admittendi.*

SI quis Principum, vel Virorum Illustrium exterorum, in hunc Nostrum Ordinem admitti postulauerit ; aut Nos, vel Successores Nostri, aliquem eorum, Insigni hoc, honorare vellemus ; id in Conuentu Ordinis erit proponendum. Vbi factâ suffragiorum collatione, si maior sententiarum pars eò inclinauerit : tum demùm, eum honorem illi Princeps conferet, & Insigne Ordinis, Torquem videlicet cum Cruce, per Cancellarium Ordinis, (si ex Monarchis, aut Maioribus fuerit Principibus ; si verò ex alijs Viris Illustribus, per nouissimum Equitem) absenti transmittet : coram quo Iuramentum soli-

tum solitum, vbi præstiterit, inter Missarum solemnia, tum demum Torquem ex eiusdem manibus recipiet. Deductio Nobilitatis eius, ante Electionem (vti aliorum Equitum) examinabitur : ad militiam tamen in limitibus Russiæ exteri, qui noluerint, non obligabuntur, præcipuè Principes, qui aliàs retundendis Barbarorum conatibus vires ac facultates suas impendunt, & huic ipsi Regno, auxilio, vbi necessitas postulauerit, adesse queunt, modo tamen ex Viris Illustribus, non verò Monarchis, singulare aliquod meritum Reipubl : & Ordini, ex sententia Principis, totiusq; Collegij, præstent.

XV. *Qui huius Ordinis incapaces.*

Q Vicunq; proditoris reus, aut seditionis militaris author, vel ex purâ ignaviâ ex acie profugus, vel alicuius criminis execrabilis conuictus, ab hoc tam excellenti Collegio arcetor.

XVI. *De Conuentu.*

Con-

Conuentum Princeps indicet, quo tempore
& loco visum fuerit: ad quem accedere omnes
Equites tenebuntur, nisi Legali impedimento
præoccupati fuerint, vel ratio eminentis digni-
tatis impediuerit. Antequam autem prima di-
es Conuentûs illuxerit, Princeps in eo templo,
quod celebrando Conuentui delegerit, suprâ
locum sedis suæ, sua propria arma, siue Insi-
gnia; sicque deinceps suprâ singulorum Equi-
tum sedes, eorum itidem Insignia, affigi cura-
bit: quæ in eodem Templo in posterum, ad
memoriam celebrati Conuentûs, remanebunt.
Die verò Conuentûs primâ, Equites, eo qui de-
scriptus est Habitu, in Palatium Principis con-
uenient, eumq; per seniozem Equitem accom-
modatâ salutabunt oratione: per Cancellarium
Ordinis à Principe vicissim, grati, & paterni
animi responsum accepturi. Tum ex Palatio
ad Templum prodibunt, bini præcedentes, à
iunioribus vsque ad seniozem, qui immédia-
tè Prin-

tè Principem præcedet, eodem cultu cum Equitibus, illo die & sequentibus, ornatum. Ad templum ubi venerint, suam quisque sedem occupabit, & Missam solemnem de Immaculatæ Deiparæ Virginis Conceptione, cantandam ab eo Prælato quem Princeps supremum Ordinis Poenitentiarum declarauerit, debito cultu & reuerentiâ audient. Ad Offertorium ubi primum Princeps processerit, singuli Equites suo sequentur ordine: & ubi apud Altare Offertorii munus tradiderint, Principem adibunt, eiusq; manum deosculabuntur, eo ipso se, post Deum eiusq; Sanctam, Catholicam, Apostolicam, Romanam Ecclesiam, Principi obediētiam secundum Iura Reipubl: debere protestaturi. Sacris absolutis, in Palatium eodem Ordine Principē reducent, à quo solemni excipientur conuiuio.

XVII. *De loco Consilij.*

Locus Consilij & Electionis Fratrum is erit, quem Princeps commodiorem iudicauerit, siue
Sacri-

Sacristiam vel Oratorium eiusdem Templi, siue Principis Palatium: Insignia tamen Ordinis, in Templo Fratres capient, inter Missarum solemnias, antequam cantetur Euangelium.

XVIII. *Quid in Conuentu tractandum.*

TRactabuntur verò in Conuentibus. *Primò*, Ordinis Electiones. *Deinde*, Equitum de vitâ & moribus examinationes & correctiones; ita vt de singulis, vniuersi Conuentûs quæratur Iudicium. Et si quis excellens quidpiam præstiterit, in publico non Equitum solùm sed & aliorum, qui adesse voluerint, confessu, à Cancellario laudator: qui verò contra leges & consuetudines Ordinis deliquerit, Eleemosynam in ærarium Ordinis inferet, quæ tamen ad summum centum Vngaricos excedere non debet. Enormium deniq; criminum reus, ab Ordine proscribitur. Si quid præterea occurrer, quod vel ad gloriam Ordinis, vel ad vtilitatem Reipubl: Polonæ, vel totius Christianitatis pertineret,

tineret, ad hunc ipsum Cōuentū eiusq; del.berationem referendum erit, in his duntaxat quæ ad eorum munus spectant. Hoc præterea Conuētu durante, Thesaurarius Ordinis coram deputatis Equitibus, expensæ in redemptionem Captiuorum, vel sustentationem egenorum Militum pecuniæ, rationem reddet: vt Ordini constet, quid ab vltimo Conuentu ex eorum peculio præstitum sit Christianæ Charitati, quam Equites, vti Ordinis sui vnicum scopum, præ oculis habebunt. Denique, si Reipubl: necessitas & voluntas postulauerit, aliquorum vti ex Confratribus operâ, (in omnem Reipubl: casum) hoc ipso Conuentu, quid muneris vnusquisq; Fratrum capere possit, determinandum.

XIX. *De Exteris in Conuentu.*

EXteri Equites, qui aut propter eminentiam personarum, Regnorumque vel Prouinciarum gubernationem, aut propter alias magni momenti occupationes, aut denique ob infirmitatem, Con-

tem, Conuentui interesse non poterunt, per Procuratorē negotia sua, si quæ intercesserint, peragent; dummodò ille sit vnus è numero Equitum. In Electione tamen absentium suffragia non connumerabuntur: sed si reus absens alicuius criminis accusaretur, Procuratori licitum erit causam eius suscipere & defendere.

XX. *De Præcedentia.*

INter Equites, hic Ordo obseruabitur. Primum Monarchæ & Principes sanguinis Regij; post hos, Senatores Regni qui in Ordine hoc fuerint, secundum ea loca quæ in Senatu obtinent; reliqui, siuè sint Officiales Curiae Nostræ, siuè non, solâ temporis, quo insignia Ordinis suscepere, prærogatiuâ gaudebunt; quod de Conuentibus duntaxat Ordinis intelligendum est: Saluis per omnia præ eminentijs & præcedētijs quorumcunq; Officialium, secundum vsum & consuetudinem Reipubl: siue sint Officiales Curiae Nostræ, siue Palatinatum & Terrarum.

De Pecun

XXI. *De Peculio Ordinis.*

VT autem habeant Equites, vnde captiuis, & egenis Militibus succurrere possint: Primùm quidem eo die, quo in numerum hunc cooptati fuerint, singuli conferent Centum Nummos aureos. Deinde quidquid siuè prædæ, siuè mǎcipiorum bello iusto acquisuerint, horum omnium pretij dimidiam partem, ad Thesaurarium Ordinis remittent, sub vinculo Iuramenti præstiti. Deniq; legare & donare eo erit licitum, quod cuiq; non Confratrum solùm, sed & aliorum, exemplo hoc excitatorum, pietas mandauerit. Quod de bonis mobilibus tantùm est intelligendum.

XXII. *Huius pecunia Erogatio.*

His modis collectam pecuniam, Thesaurarius Ordinis, Principi & Reipubl: Iuramento obstrictus, ad nullum alium vsum conuertet, præterquàm in eliberationem captiuorum Militum,

tum , vel sustentationem indigentium, præcipuè Confratrum : idq; pro arbitrio Principis & Equitum præsentium.

XXIII. *De Fratribus Defunctis.*

ABsoluto quouis Conuentu , Princeps & Equites pullati , in idem Templum è Palatio descendunt, ibiq; pro animabus defunctorum Fratrum, Sacris intererunt : concionantemq; Supremum Ordinis Poenitentiarium, de virtutibus & rebus gestis Defunctorum , ab ultimo Conuentu Confratrum audient ; vt & mortuis laus constet, & viui præclarè factorum exemplis, ad virtutem gloriamque excitentur.

XXIV. *Quid unicuiq; Defuncto debeatur.*

VBi ad notitiam Confratrum mors Confratris deuenerit, singuli Equites pro illo Defuncto Triginta Missas absolui curabunt : ipsi verò totidem vicibus , *Salve Regina* , &c. recitabunt.

De Se-

XXV. *De Sepultura Equitum.*

Confratrum mortuorum corpora, quibuscunque per distantiam locorum, occupationesq; publicas, aut infirmam valetudinem, licuerit, ad sepulchrum comitari, & quàm maximam etiam Mortuo demonstrare charitatem, ad declarandum tam Inclyti Ordinis vinculum, volumus.

XXVI. *De Egenis.*

SI quis Equitum, non suâ culpâ, sed aliquo infortunio, ad tantam deuenerit egestatē, (quod Conuentui erit declarandum) vt sine probro Nobilitatis, Equestrisque dignitatis, viuere nequeat; huic communi Confratrum ope erit succurrendum: tenebiturque vnusquisq; Equitum, id præstare Indigenti, quod vniuerso Conuentui visum fuerit. Si verò stultâ prodigalitate, vel apertâ rerum suarum incuriâ, aut supinâ ignauâ, in eam inciderit inopiam, Princeps ab eo Tor-

eo Torquem reperet: prouidendum enim erit,
ne & ille opprobrium sit Ordini, & alij, præci-
puè Iuniores, prauo corrumpantur exemplo.

XXVII. *De Torque remittendo.*

HÆredes defuncti Equitis, Torquem intra
trimestre remittere ad Thesaurarium Ordinis,
vel ipsum Principem, tenebuntur. Quod si ve-
rò quispiam Equitum, per incuriam, vel casu
fortuito, Torquem amiserit; tantum auri in
Thesaurum Ordinis inferet, quantum ad no-
uum conficiendum requiritur.

XXVIII. *Gesta Ordinis.*

Cancellarius Ordinis, ad excitandos Fra-
trum Nostrorum animos, præclara singulorum
gesta, & totius Ordinis insignia facinora, literis
consignabit: vt eorum perennet memoria, quo-
rum virtus, & animi magnitudo, Orbi confert
perennitatem.

De Pra-

XXIX. *De Pralato.*


Nominabimus itidem vnum ex Prælatiſ, qui Nobis, & Noſtris in poſterum Succellori- bus, viſus fuerit; qui tantum Sacra publica Ordinis in Conuentibus peraget, & Defunctos Confratres pro Concione laudabit: geretque talem Crucem, qualem Equites extra ſolen- niores, feſtoſque dies, geſtabunt.


XXX. *De Confraternitate.*

VT verò IMMACVLATÆ VIRGINIS honor augeatur, & ergà hanc potentem Ordinis Noſtri Patronam, deuotio latiùs diffun- datur: petemus à Sanctiſſimo Domino No- ſtro P A P A, Archiconfraternitatem huius ipſius IMMACVLATÆ DEIPARÆ VIR- GINIS (quam Fratres Minores de Obſeruan- tiâ S. Franciſci, eodem in Templo Pacis, ad Præſepe Saluatoris, in Vrbe Noſtrâ Regiâ in- ſtitu-

stituent) approbari. Quæ non solum Equiti-
bus Luclyti Ordinis huius, sed omnibus Christi-
fidelibus vtriusque sexûs, communis erit, mo-
re aliarum in Religionibus Confraternitatum.
Huius tamen Confraternitatis Sodales non E-
quites, nulla ratione Crucem, aut alia Ordinis
Nostri insignia gestare præsumunt: sed
Imaginem duntaxat Virginis Infantis candi-
dam, ex auro fusilem, Draconem pedibus cal-
cantem, cum hac circumscriptione: *Dignare
nos, laudare te, Virgo Sacrata.* In his autem
omnibus Statutis, & eorum articulis, punctis,
clausulis, & conditionibus, leges, Iura Reipubl:
& Nobilitatis Regni, & M. D. Lit. immunita-
tes, & prærogatiuæ, secundum veterem Rei-
publicæ consuetudinem, & patria instituta,
sacrofanctè obseruabuntur.







77 26
13

